



藝海珠塵

14  
1627  
47



門 14  
號 1627  
卷 47



藝海珠塵



子部小說類

南雁 吳 省蘭 泉之輯

仁和 諸 嘉樂 令之校

東臯雜鈔

董 潮 潮字曉滄號東亭浙江海鹽人乾隆癸未進士官翰林院庶吉士

自序

槐花黃後故我依然自坐小窗下覺茶香簾影致有一段幽寂趣讀書偶得隨事紀錄并及耳目所見聞者久而成帙因取古人臨東臯以舒嘯意名曰東臯雜鈔非敢云窮愁著書聊借筆墨舒寫已耳至於備一朝之典

藝海珠塵

東臯雜鈔卷一

早稻田大學圖書館  
25 10 30  
購 茲

故擅數語之翦裁則誠有愧昔人云癸酉冬十一月望  
後書東亭潮序  
後漢書列女傳蔡邕女文姬先入胡中曹操痛邕無嗣  
遣使者贖之云云而晉景獻羊皇后母陳留蔡氏漢左  
中郎將蔡邕女也則邕女不獨文姬矣又羊祜卽后同  
產弟以討吳功應封關內侯乞賜舅子蔡襲是襲爲中  
郎之孫伯喈又有後矣書俟博雅者  
史稱王戎儉嗇而華譚爲邾令境內饑饉譚傾心撫卹  
戎聞而善之出穀三百斛以助之見義慷慨固非近日  
守錢虜比也

俗語云得之易者曰儻來晉書王坦之傳簡文帝臨崩  
詔大司馬桓溫依周公居攝故事坦之自持詔入於帝  
前毀之帝曰天下儻來之物卿何所嫌按莊子刻意篇  
儻來之物寄也俱俗語所本

涪溪某者貴雄一邑癸酉七旬初度先是夢一神人語  
之曰汝媳有娠應汝受生甚惡之因不復作賀至七月  
而病病中其媳候之輒不欲見云畏其眼九月中媳產  
一女病中間之云可無慮矣擬復集賓朋補祝其子請  
命女名某名之曰觀音保定名而嬰兒哭某氣絕矣  
春花落瓣秋花落蕊益氣候使然也見宋牧仲筠廊偶

筆  
朱紅揚州人某科進士爲廣西河池州因事伏法有舊  
僕湯某者一日行過其墓見朱如平生湯駭懼朱語云  
汝勿怖我知汝可信故託汝我有一妾一子近已流落  
汝可傳語若能守則某壁中尙有質票二貨之可得數  
十金足以南還不然可令速嫁汝卽以此物挈吾子回  
揚若負心當殛汝言訖不見其人驚怖欲死如言索之  
果得二票因送其子南歸妾亦不嫁朱曾與從父乾庵  
同寅見湯某親說云  
闖賊陷京城有中州士人被掠者言昔破某邑與一士

人共住一大家樓下時當暮春雨中對酒聯句其人首  
唱云風風雨雨送春歸忽聞樓上續一句無雨無風春  
亦歸兩人默然拱聽徐云蜀鳥啼殘花影瘦吳蠶吃罷  
柘陰稀紫邊黃淺鶯兒嫩頷下紅深燕子肥獨有道人  
歸不得杖頭長掛一簑衣兩人登樓視之絕無一人惟  
飛塵盈寸而已見筠廊偶筆

段柯古酉陽雜俎載盜俠數事近有一友云曾於鶯脰  
湖遇一乞食老僧兩手各無拇指詢之老僧慨然云事  
經數赦不妨爲秀才道之某少於河北爲劇盜曾探得  
一鉅公寄四萬金南還因至山左候之數日後果有車

馬韜重下店一少年隨之詢之云是標客蓋慣爲人護  
送者訪其藝曰善彈因與之同發晨起少年於馬上挾  
彈先行途次見樹杪一鳥鳴噪少年引彈向之彈從鳥  
邊過尙懸分餘鳥飛去余因私計曰其術尙未云盡善  
因放馬彎弧方欲發矢而一丸已至左手一指墮余固  
善左右射復引弓一丸又至右手一指墮腰間尙有兩  
斧方欲舉之又一丸中余眉間因墮地不能復起少年  
趨至前笑曰余初次出行不欲傷汝性命兩斧權作謝  
可耳下馬取之而去余數時方醒因此頓悟遂棄家爲  
僧云

五代史家人傳不載周太祖柴后本未偶讀東都事畧  
張永德傳載柴后本唐莊宗之嬪御也莊宗崩明宗遣  
歸其家行至河上父母遇之會大風雨止於遊旅數日  
有一丈夫走過其門衣弊不能自庇后見之驚曰此何  
人耶遊旅主人曰此馬步軍使郭雀兒也后異其人欲  
嫁之請于父母父母恚曰汝帝左右人歸當嫁節度使  
奈何欲嫁此人后曰此貴人不可失也囊中裝分半與  
父母我取其半父母知不可奪遂成婚於遊旅所謂郭  
雀兒卽太祖也后每資以金帛使事漢高祖卒爲高祖  
佐命后父柴翁旣老每夜寢及晝起常寡言笑其家問

之不答其妻醉之以酒乃曰昨見郭雀兒已作天子矣  
此事可補歐公書

封宣聖之後歷代名號不同在漢魏曰襲尊宗聖在晉  
宋曰奉聖後魏曰崇聖北齊曰恭聖後周及隋封鄒國  
公唐初曰褒聖開元中始追謚孔子曰文宣王又以其  
後爲文宣公至宋至和二年詔封孔子四十七世孫宗  
愿爲文宣公太常博士祖無擇上言是以祖謚而加後  
嗣乃改爲衍聖公世襲

王翊字介人嘉興人明末布衣工詩朱竹垞曾採八明  
詩綜其全稿聞爲一俗子賣去欲假爲已有近從友人

處見其殘藁數首五言如搖落當秋甚蹉跎奈老何殘  
葉經秋盡悲風入夜多遠懷應有淚久客且無顏旅雁  
當殘歲飛帆入亂流月暝罷垂釣日斜長掩關七言如  
人歸野寺殘陽盡家在橫塘落葉多魂驚去國三千里  
淚下傷心一二人春雨蕪城寒浪靜夕陽京口暮山多  
絕句如塞上云霜落陰山秋氣寒秋風吹斷玉門關中  
天不改秦時月留與征人夜夜看金陵雜詠云渺渺孤  
雲帶晚鴉空溝流水咽寒沙臨春閣上新聲歇智井風  
埋玉樹花水滿秦淮長綠蘋千年王謝已灰塵春風燕  
子家家入無復當時舊主人俱不減唐人惜不獲見其

全稿嗟乎士生斯世賤貧無聞而埋光鏟采者可勝咤哉

元末顧阿瑛處干戈戎馬之會擅園池亭榭之勝日夜與高人俊流置酒賦詩觴詠倡和幾忘爲滄海橫流時一時名士如楊廉夫倪雲林柯九思輩數十人俱聯袂入社迄今想見玉山風流令人神往明季毛子晉擁厚貲會天下喪亂因搜羅古今書籍自經史子集外下逮稗官詞曲俱鐫板行世此二君者皆擅陶朱之術一時行事俱堪千古不然遭逢世變安知不爲象齒之焚身耶近日士大夫大抵多守錢虜卽有擅園亭聲伎之樂

者又皆儉父面目令人不可嚮邇安得有風雅如阿瑛好事如子晉者乎

本朝王尚書讀費道士詩大江流漢水孤艇接殘春因有十字須千古如何失此人之歎他如康乃心崔黃葉皆以標題得顯不減昔人佳語近讀友人朱牧人詩有句云雁衝落葉歸平楚人背斜陽立小橋使遇前輩不知可能把臂否

姊婿陳萊可嘗夢至一處見小橋野店一女子當壚因起勸酒歌一詩曰流水青山似若耶畫橋西畔酒旗斜人間不信春風貴開遍碧桃樹樹花余戲之曰莫同盧

絳耿玉真否近亦夢登山見蒼莽千里攢峯遠樹慘澹  
落日中旁一人屬余賦詩因高吟曰哀湍落葉不堪聞  
雁帶殘陽入亂雲廢塚纍纍三十六眼中多少可兒墳  
南廬遺聞錄載徽欽北狩事備極慘穢假名阿計晉應  
是憤南渡忘復讐之計故作此以諷激耳其紀朱后爲  
幽西骨祿都所辱鄭后至虜城腹臍間亦不免搜摸高  
宗太后韋氏與四大王生二子其餘帝姬妃嬪之辱多  
不忍寓目其果紀實耶抑僞書邪近讀元人馮粟題太  
宗逼幸小周后圖詩曰江南刺得李花開也被君王折  
取來怪底金風衝地起御園紅紫滿龍堆嗟乎天道好

還如此書所載殆亦不可知者耶

文中子當隋末時講學河汾一時及門皆當代佐命而  
隋書無傳獨於其弟無功傳一及之後遂有疑爲子虛  
烏有者或有以爲因侯君集事與長孫無忌忤故魏徵  
輩不敢爲立傳竊意通講學授經儼然上繼宣聖其書  
歷歷可考必非無其人魏徵素稱戇直上不避君豈畏  
貴戚况薛收李靖等皆一時人傑豈有徇私意而忍沒  
其師之名者乎蓋諸人旣以通上配仲尼則謂其師之  
道如日星江河萬世共仰不待書之載籍而後傳亦且  
不屑與文學諸人伍勢必別立世家如史記之於夫子



而又無此體故并此不書正所以極尊崇之意非有他也

東都事畧載東坡與章子厚同遊南山抵仙遊潭潭下臨絕壁萬仞岸甚狹惇推坡下潭書壁坡不敢予厚履險而下以漆墨濡筆書石壁上曰蘇軾章惇來坡撫其背曰子厚必能殺人章曰何也坡曰能自判命者能殺人章大笑又續耆舊聞子厚爲商州推官子瞻爲鳳翔幕僉因差試官開院同過小飲山寺聞報有虎二人酒任因勒馬往觀去虎數十步馬驚不前子瞻乃轉去子厚獨鞭馬而前取銅鑼於石上戛響虎遂驚竄謂蘇曰

子定不如我觀此二事則其平日自具一種剛辣手段正與王處仲視王愷殺勸酒美人光景同童貫自謂韓琦遺腹梁師成亦自謂蘇軾出子雖二豎之奸陰險狠賊尙知以二八爲蔭籍何當日紛紛攻訐者乃出之士大夫耶

金人破汴議立張邦昌御史中丞秦檜以狀論列中有云天生南北之國方域至異也晉爲契丹所滅周世宗復定三關是爲晉報恨然則今日豈必趙氏然後能復讐哉中國英雄亦將復中國之恨矣又云張邦昌者在道君時附會權幸之臣共爲蠹國之政今日社稷傾危

生民塗炭雖非一夫所致亦邦昌爲之之力也天下之人方疾若讐仇若付以土地使主人民四方英雄必共起而誅之終不足爲大金屏翰矣如必立邦昌則京師之民可服而天下之民不可服京師之宗子可滅而天下之宗子不可滅也讀之使人氣壯使當此時犯虜怒而死不且張叔夜李若水輩共傳不朽哉檜何不幸天假之年耶抑亦宋之氣運當留若人耳

嘗讀荆川先生裨編愛其所採六經輿論持論精博多所發明朱太史竹垞則以爲非漁仲所作稱其議論與通志略不合蓋漁仲上書曰十年爲經旨之學以其所

得者作書攷作書辨譌作詩傳作詩辨妄作春秋考作諸經叙作刊謬正俗跋五六年爲天文地理蟲魚草木之學所得者作春秋列國圖作爾雅注作詩名物志而不及輿論故耳今觀其周禮卷中天文總辨取丹元子步天歌并云鄭夾漈先生嘗得是書而讀之曰於時素秋無月清夜如水長誦一句疑目一星不三四夜一天星斗盡萃其霄中矣全用通志畧天文畧序中語則非漁仲作明甚近從友人處假得足本所謂黎溫序已缺應非危邦輔所藏者因手錄一過於卷首仍舊書鄭樵漁仲蘆簾竹几松火茶爐日課五頁閱二十日而卒事

歲寒風味亦頗不惡耳

契丹在五代時大爲中國患至宋眞宗之世自澶淵之役南北講好至淳化二年女眞以契丹格其貢宋之路請宋攻之不許當時君臣誠有見哉至天祚荒淫女眞寇暴奸人起讜逆豎貪功不思存遼障金乃結狼虎之歡棄祖宗之好樊籬旣撤唇齒俱亡善乎韓昉之言眞洞見形勢不得謂庸無人也葉隆禮契丹國志二十七卷詳載兩國誓書及南北聘賀禮物蓋隱然有痛於此耳至其行文詳贍筆法謹嚴亦頗不減五代史又且貶契丹國而稱志其尊崇本朝之意以視宇文懋昭之大

金國志直書差康王出質於獻俘詳列北遷宗族妃主等其順逆爲何如哉讀者弗以非正史而忽之

雪亭姓白氏無定名家本世族年三十孤貧不娶工詩善星緯術數每自詡其術人亦未之信也屢應童子試不利末後有邑令某者奇其文首薦之而雪亭文輒不完稿曰神龍見首不見尾其狂譎多類此方試時改名曰杏人或問之曰二月街頭買杏花吾亦取其及時耳此可想其風致矣卒不售其冬卽病死聞其未死前有所遇王孫不識長卿又無好事如臨邛令者因鬱鬱以情死噫亦不幸矣余少與雪亭交奇書好句朝夕商榷

小齋有竹石花木猶記暑月露坐抵掌劇談古今事於時竹影橫窗石鼎作松濤聲相謂此境不可多得俄而余寄跡海濱雪亭曾有一札寄余自叙近况多磊落可喜事嗚呼孰知其竟爲絕筆耶聞其歿後降神自言爲泰山府君書記豈君之才不伸於世而乃見賞於冥冥中耶青燈竹屋顧影淒然每憶良友如聞謦欬惜其文筆身後又遭李長吉之厄但記其二語云殘蟬古柳蕭疎影一派寒波帶夕陽天生好語余固特識其人雖然余書又何足以不朽

池北偶談記高淳縣花山有白牡丹歲開數枝種非人

力亦無恒所有折者輒得疾施愚山先生詩云空山石巖巖獨立天風吹攀條莫敢折含芳貽阿誰余家亦有黃牡丹不常開開卽有喪自植後一開而世父大萊公卒再開而先子棄世其花作秋葵色紫檀心樓高於常花嬌艷可愛大抵奇草木不爲瑞卽爲妖二花與洛中之金帶圍抑何相反耶

華亭宗伯思白公臨終時忽索鏡自叱作美人相聞之先人云

武進劉雲山醫士也生時信鬼神募修司徒廟遂自爲像於神側沒後人有病者輒祀而請之有神效至今香

火特甚稱曰劉先生曾有鄰人患熱症甚亟請之夜見一叟至爲洗其舌頓覺心地清涼明日霍然他多類此杭州有巨室子某病亟忽有一醫到門投一七而愈曰我常州劉雲山也贈之金不受但云他日尋我於毘陵司徒廟巷某至常則知其沒已數十年矣因設祭而去此事王尙書曾探入池北偶談

宋吳惟信中孚湖州人寓吳嘉定之白鶴村吳有麋先生者於九經注疏悉能成誦嘗見中孚賦句云白髮傷春又一年閑將心事卜金錢梨花落盡東風軟商畧平生到杜鵑亟下拜曰天才也老夫每欲效顰則漢高祖

唐太宗追逐筆下矣此語可悟詩家三昧然此意亦須心會所謂詩有別材者殆謂是耶

淄川袁孝廉松籬名藩名士也以康熙癸卯冠禮經壬戌尙困公車闈中賦詩云二十年前古戰場臥聽譙鼓夜茫茫三條畫燭連心熱一徑寒風透骨涼苦向緇塵埋鬢髮憑誰青眼託文章明宵別後長安月偏照河橋柳萬行袁竟下第先祖以是科成進士曾言其詩可爲泣下近日江南一顧姓者於闈中亦吟一篇云八千舉子盡元魁我也隨班挨進來斷續文章逐氣接糊塗題目匆匆猜號房瓦少常防漏蠟燭油枯漸作灰舍弟三

官真造化宗師竟不取遺才雖滑稽語然亦是真境也  
德清蔡狀元崑陽庚戌公車過淮安謁山陽令邵某邵  
其鄉人也批其名刺云查明回報蔡怒而去至京遂以  
第一人及第題一絕句於扇頭寄邵云去冬風雪上長  
安舉世誰憐范叔寒寄語山陽賢令尹查明須向榜頭  
看風塵中識天子宰相固是難事此輩但須令其自愧  
可耳又蔡既捷後恐自以鼎甲奪秀因請乩仙卜其門  
祚乩大書壬戌之秋四字至壬戌而從姪升元復爲第  
一人是年秋殿試

隄隳墨名後漢書西羌傳有隄隳相曹鳳註云屬右扶

風今汧陽縣也側理紙名可以屬對

銀杏名鴨脚一云葵亦名鴨脚不解所出近讀鮑照園  
葵賦云白莖紫蒂豚耳鴨掌亦取其葉之形似意當本  
此

朱淑真璿璣圖記若蘭名蕙姓蘇氏陳留令道質季女  
也年十六鬪扶風竇滔滔字連波仕苻秦爲安南將軍  
以若蘭才色之美甚敬愛之滔有寵姬趙陽臺善歌舞  
若蘭苦加捶楚由是陽臺積恨讒毀交至滔大恚憤時  
詔滔留鎮襄陽若蘭不願偕行竟挈陽臺之任若蘭悔  
恨自傷因織錦字爲迴文五彩相宣瑩心眩目名曰璿

璣圖亘古以來所未有也乃命使齎至襄陽潛感其妙  
絕遂送陽臺之關中具輿從迎若蘭於漢南恩好踰初  
云云大畧本唐則天序按晉書列女傳言滔爲苻秦時  
秦州刺史被徙流沙蘇氏思之織錦爲迴文旋圖詩以  
贈滔二說不同豈晉史反從畧歟

一樹桃花臥綠蕪春陰簾外雨模糊宵來鄉思知多少  
又向東風聽鷓鴣垂楊踈地綠絲齊繡閣無人落燕泥  
閒倚薰籠思往事冷香和夢過橫溪矣西園後從市上  
買數種舊書內文中子一本塗乙狼藉於夾葉中得方  
寸紙蠅頭書二絕句款曰松雲詩筆楚楚應是香奩中

物耳

本朝進士出身最奇者三人一任暄猷杞縣人明末團  
結鄉勇以禦流寇南渡授官後軍府左都督靖邊伯豫  
王下江南投誠遂隸旗下中順治壬辰進士以磨勘被  
黜復中乙未進士官至江西南贛道僉事一吳李芳邵  
陽人崇禎己卯舉人粵西時官至左都御史投誠願以  
科甲進中康熙甲辰進士一錢世燾五河人南渡爲副  
總兵官旣而爲浮屠久之復補諸生中康熙庚戌進士  
年已七十餘未幾卒見池北偶談  
曾祖職方公諱巽祥順治己丑進士洪文襄承疇門下

士也一日南回文襄以四千金屬買吳中聲伎曾祖諾之及出京盡以乞親友之貧乏者回見文襄詢及之曾祖曰門生以道事公不敢以此事累公清德竊援馮驩市義之說已爲公散之矣文襄大笑曰此真予之門生也

趙昇朝野類要云已解官持服而朝廷特再推用者名起復起復卽奪情也今人以禫後卽吉爲起復者誤按唐時百僚罷而復用者亦曰起復

余曾夢一人示以一聯詩曰漢廷有劍誅張禹湖水無書弔屈原未知何指

海寧查氏僕婦暑月露臥一小蜈蚣入其耳急以雞汁薰之不得出時覺耳中作痒久遂無患閱數月忽右臂皮肉間痒不可忍按之則有物蠕蠕欲動數日後遂至手背間因以刀挾之一蜈蚣躍然而出色微白食血已飽從耳入臂踰月而人無所苦大奇

彭少宰羨門少以長短句得名所刻延露詞皆一時香艷之作至暮年每自出價購之百錢一本隨得隨焚蓋自悔其少作也余謂宋太史曝書亭集其有功經史不尠而風懷二百韻未免褻狎太過兼實有其事亦儘可刪也



園花一郭姓者忘其名作詩送一友入京其人短小詩云三只驢兒三尺身一鞭遙指帝城行到京恰值端陽節何處飛來大健人

顏峴家僮名銀鹿後侍魯公終身

錫山杜太史雲川詔江南名宿也在木天時某尚書家一青衣甚艷集諸名士賦詩約入格者相贈太史賦簾波詩有銀蒜瓊鉤之句尚書大賞竟如約或贈杜一絕曰銀蒜瓊鉤欲飛詩成親擁麗人歸紫雲見惠徒虛語笑殺君家舊紫微亦佳作也惜不得其名近日談詩者紛紛市井庸奴畧知識字便握管操觚自

命主持風雅且有借選詩以射利者江西一某姓者徵詩吳下其所選已刻大半皆當代名公鉅卿及奔走聲勢者此人曾登弄珠樓賦一聯高自稱許後聞人誦之不覺捧腹云南湖水接東湖水查浦山連澈浦山三十里海面欲一朝填沒須得巨靈移山手也

天下山水奇絕處每多異人有某姓者曾與數友同遊黃山別有一徑草木陰翳絕無人跡諸人皆以日暮憚往某獨褰衣直上遂窮幽險至山頂有一老人獨坐室中見某至呼其名謂以家世且言曾與某曾祖

藝海珠塵

南匯 吳 省蘭 泉之輯

武陵 陳 榮禮 子實校

東臯雜鈔二

董 湖簪

天下山水奇絕處每多異人有某姓者曾與數友同遊  
黃山別有一徑草木陰翳絕無人跡諸人皆以日暮憚  
往某獨褰衣直上遂窮幽歷險至山頂石室有一老人  
獨坐室中見某至呼其名詢以家事且言曾與某曾祖  
交好不知其子孫近已若是至夜留宿石室中與一鹿

皮令寢其上且謂之曰飢時可於皮下覓食某至中宵果於皮下得桃棗數枚食飽卽盡天明徧覽室中見石牀後有二劍插地用力拔之不能起老者笑曰此非子所能辦也渴甚老人令就室後小池飲池僅數尺一石板蓋其上水清冽作酒香中復有果數枚自此飢渴卽造池飲水食果隨盡隨有竟不知其何自而來也留數日忽有一物類猿猴入室向老者作拜跪狀老者揮令先往因謂某曰此處本一白猿所居後爲異物侵占猿與爭不勝因邀子至此驅之猿遂移入後洞讓子居此向者所見乃此猿邀飲耳子可同往因攜之歷數嶺遙

望林木葱鬱中有白光閃爍迨近乃猿也向老者踉蹌叙語老者爲言某乃吾故人孫也近來謁吾故與同造耳猿出酒果與飲暮復同返老者謂某曰家人索子已久子可歸矣某堅請留老者曰子有老母在非其時也贈一木杖拔床後劍教之對舞曰會此可以延壽此後當於某年復會其人乃覓徑而歸至家已失之數月矣至某年大病夢老人授以丹而愈勉齋舅氏曾遇之燕京時已九十餘步履如少壯往返數十里不用車馬近以薦舉入仕矣

獨無骨入虎口虎不能噬處虎腹中自內嚙之今云巒

夷獬夏取此義其說甚新

草木子曰物之牝牡一生不再交者虎也玳瑁也鴛鴦也鴛鴦古今多取其雌雄相守此理殊異不覺失笑石門曹氏明司李諱廣之後其首房饒於財而儉嗇每夜門戶必手自扃鏽一夕火起戶閣不得出全家十七口俱焚死惟少子外宿得免先是有衲僧坐其門化草鞋錢十八雙云可以解難主人堅拒不許厨下一媪獨施錢數文後火起惟此媪踰牆得免焚死者適如其數宋夏英公竦薨子安期奔喪至京師館中同舍謁見不哭坐榻茶藥如平時又不引客入奠人皆訝之戊戌年

安期死數日子伯孫猶著衫帽接客無畏容愈肥澤焉近日世族子居喪有更甚於此者殆所謂喪心病狂者歟

昔聞數士子於試前請乩仙仙至乃黃山谷也諸人以功名事欲得呂純陽問之相與更請未幾而稱呂至先書云諸君各飲墨汁一杯飲既大書云平時不讀書急來飲墨汁那有呂純陽依然黃魯直豈魯直滑稽果如是耶未知信否

鮮卑謂被爲禿髮禿髮烏孤之先有名壽闡者產於被中因而氏焉見晉書

吳虎臣漫錄引晉孫綽表哀作詩其序云自丁荼毒載  
離寒暑不勝哀號作詩一首故冒諒闇之譏以申罔極  
之痛其曰故冒諒闇之譏則雖人臣亦可以言諒闇也  
余按晉書山濤遭母憂武帝詔有曰山太常雖居諒闇  
情在難奪是晉時固通稱豈虎臣偶忘之耶  
義興一獺者暑月乘曉入山見一巨蛇畏熱臥嶺上首  
垂而下口張若箕因以鳥銃中其喉此蛇負痛疾捲聲  
若風雨嶺上之竹俱偃焚之臭經月餘居氏染其氣者  
多首痛頭裂

余鄉一巨宅多凶人不故居夏月有乘涼其中者會日

暮見庭隅小穴中儀仗導從紛紛而出人馬俱長數寸  
末後一乘輿者冠帶多髯儀形儼然緣階而上呵殿聲  
啾啾可聽其人狂叫倏忽不見竟不知何怪也

明季白司寇昂掌部時一總戎失律餽金請赦尙書受  
之而偶遲其事竟棄市後夫人生一子尙書親見總戎  
入而產及長狂而駭聞碎碗聲愛之踰絲竹卽日市窰  
器擲之以爲樂又市飛金數百金從塔上因風颺之日  
光熒鑠照耀原野誇爲奇觀一門客以木棉花種佳盆  
誑之云此西洋牡丹也價數百金如數償之數年家貲  
蕩盡窮餓而死余舊居卽其宅也至今人多有談其駭

事者

昔人紀大姦事固異矣余所見更有異者族祖家一鰥奴素凶悍一日置肉炭簍中令母犬往食因從後姦之始覺極執既而陽道不能出痛不可忍遂極力掣之皮肉盡脫叫號數日而斃此皆天壤間奇事

隋裴虔通親弑煬帝入唐不誅爲辰州刺史至太宗貞觀二年始以前罪僅削爵流驩州此亦漏網也

唐高祖赦王世充而誅竇建德與宋太宗鳩李煜而全劉鋹同一失刑也世充劇賊百戰之餘竊盛始降且弑君竊國終不明正典刑雖死於私讐反爲之加罪其人

建德起山東與唐未嘗爲惡徒以救世充而敗耳至其破化及爲煬帝發喪事蕭后以臣禮非當日諸賊可比反不能宥一死南唐自周世宗時入附至宋未嘗失事大之禮且後主文儒非劉鋹殘暴比顧乃不免何耶然嘗論之建德雄武類李密而濶過之雖智畧不若秦王亦一時之傑使其不死其才終不容於世至李後主恂恂如才士乃以詞語取禍哀哉

嘗謂唐高祖不及睿宗知秦王之功而不能早定儲位惑於嬖侍之言終致巢隱之禍以視睿宗舍長而立功其明暗爲何如耶

自古英雄未不好色者漢高之戚姬項羽之美人虞  
兮光武之陰麗華蜀先主有懷羸之累魏武與文帝爭  
甄后唐太宗之武氏并巢刺王妃自此而下其沉溺不  
悔者更無論矣獨明太祖自馬后薨中宮虛位者數十  
年嬪御亦寥寥汪廣洋以廢令女作妾遂震怒賜死其  
不邇聲色真千古帝王所未有也

古今事有相類者苟勗識牛鐸而樂得詣唐李嗣真爲  
太常丞鑄黃鐘不成嗣真居崇業里疑土中有之弗得  
其所道逢一車鐸聲甚厲嗣真曰宮聲也市以歸振於  
宅地中若有應之者掘之得鐘衆樂遂和

海鹽鄉民家羊產一羔一首二身自頸以下相連八足  
兩尾民懼卽殺之遠近趨視此近羊禍甲戌二月事也  
又聞數年前民家產一鴨有四足

城南拙宜園中允楊公別業也園中位置出夫人徐氏  
經畫夫人工詩能畫爲鹽邑士女之冠園落成時合寧  
鹽兩邑文人高會詩文第某甲乙他年得賦遂初擬於  
此借老焉亡何夫人亡中允亦去官懸組之後留寓於  
茲始將十稔賓朋滿座詩酒流連擁名伎玉月君校讐  
文史論者謂不減虞山宗伯園中黃白牡丹二本爲公  
門下士河南某君所貽花時爛漫遊人雜沓余以暑時

曾一過焉康熙戊戌中允奉詔修城密雲月君亦返棹  
姑蘇荏苒歲月三十餘年園已易主雖曲沼猶存而高  
臺漸圯今春訪客城南因縱步一遊桑麻彌望無復曩  
時之盛矣亭畔桃花一株嫣然欲笑喟焉感懷爰成二  
律其二云畫舫容與傍碧潭層樓縹緲接晴嵐東山高  
會賓朋盡西洛名花國色酣學士文章留塞北美人雲  
雨隔江南桃花依舊臨風笑倒影池中映蔚藍此余中  
表陳子萊可作也俛仰盛衰不覺感慨令人有江淹恨  
人李嶠才子之歎  
烟草本夷種嗜之者始於明季近日士大夫習以為常

大廷衆座中以此爲待客之具至閨閣亦然粵中一士  
遊某公門自詡其技曰善嗜烟因請試之先淨掃一室  
集諸公於中四圍窗戶俱緘封完密用好建烟二觔食  
之至盡烟氣不吐食畢然後隨口噴之成雲鶴仙神龍  
鳳等像不知何術也烟草一名淡巴菰長洲韓宗伯有  
長歌

鹽邑朱謨烈號翰沙工詩能文久困場屋每元旦以黃  
紙作表願減壽以易名自於竈前及城隍廟焚之至庚  
子秋闈報捷不月餘卽死似有神促之者其五言如亂  
鴉分古木落日滿荒洲曠野雲容白寒天木葉紅梅花



和客冷春草倚愁生西風吹古渡秋水弔枯荷空城延  
暝色征雁下平蕪牧笛一聲晚江村兩岸秋遠浦孤烟  
直荒亭落照橫七言如風穿堤柳鳴蟬咽雨打池荷宿  
鶯醒風押楊花將夢去鶯依夏木抱愁居俱不失唐音  
惜乎半生不遇一第卽死哀哉

天下奇技有不可解者一人能口畫先以五色紙嚼碎  
或壁或門上離五六尺隨口吐之須臾卽成臺閣鳥獸  
花木之象工巧勝於綵繡真奇術也

歐陽文忠有姬姓盧名媚兒姿貌端麗口中作芙蓉花  
香有蜀僧曰此人前身爲尼誦法華經二十年

茄子一名落蘇始於吳越時錢武肅王諱石榴爲金櫻  
茄子爲落蘇

蔡京死後四十二年遷葬皮肉消化已盡獨心胸上隱  
起一卍字高二分許如鐫刻所就

余邑周雅楫清源以康熙己未名試入翰林一日入直  
聖祖忽問以增廣生員四字周不能對上哂之曰  
四書尙不讀全何云博學後檢之乃在子適衛章圈外  
註唐太宗置增廣生員云云

蘭陵米賈王姓字君甫者因商流落不偶至乞食岳陽  
樓下一日遇道士哀之招與同飲因取菜汁畫一螳螂

於扇令持之索錢比出店則蠕蠕欲動儼然生物也因得資之以歸後數年友人處請乩仙君甫亦在坐乩忽大書一絕云十年不見王君甫今日相逢鬢已霜可記岳陽樓下事曾將菜汁畫螳螂  
山明水淨夜來霜數樹深紅出淺黃試上高樓清入骨豈如春色喚人狂華亭宗伯題小幀山水絕句也余曾覩之畫筆明淨可愛不類常所見筆意真佳作也  
三月三日取桃花陰乾爲末至七月七日和烏雞血塗面白潤如玉按花蒂曰耐花足也花當花根也  
廣西桂林府滿山皆梅開花時作梅瘴易染人

余先子幼聰穎絕倫年十一通五經左國諸書七歲時先大父教以偶語曰白面書生卽應聲云黑頭宰相大父奇之曰此兒定不凡也弱冠卽嚴肅恭慎凜然有不可犯之色及長刻苦力學詩不嘗作而所吟多佳句如金陵鐘樓望月云千里暮雲歸岫遠一天秋色入簾清春日遊陶然亭云烟籠春水紅橋北翠滴晴巒御苑西清俊不減唐人丁巳元日云文章海內誰相許名字人間竟不知聲情悲壯磊軒師所云真堪擊碎唾壺者也數奇侷得侷失益憤激下帷鬱鬱發病而歿病中猶手一編不少置疾亟摩余頂嘆曰吾所以至死不廢卷者

亦望以功名不墮家聲耳今已矣未識見能成吾志否  
今某不肖復漂泊無成每憶斯語輒泣然淚落不知何  
時得慰吾父於冥冥也  
偶讀曝書亭集紀譚石舟遇盜不殺事以盜父爲譚君  
祖科試二等士因嘆師弟之誼雖盜賊猶知感恩余祖  
每充同考試官所取士無一不終始成之厥後負心者  
比比其不忘師誼者惟北直王槐三植一人而已壬戌  
歲余叔父過江西逆旅主人之父備詢所自因爲道姓  
名家世此老忽驚拜泣下乃余祖提學江西時所取士  
也遂極款洽明日復遍召里中同志數人皆昔時所拔

士相與殷勤道故臨別餽贐有加夫一青衿耳獨感恩

若此以視彼之紆青拖紫而遽忘其所自來者其賢不

肖爲何如耶

奉使者膺以人事君重任但當公正自  
矢不計私報至世態炎涼更何必較量

歲華紀麗胡震亨孝轅作於陵子姚叔祥士彝作與天

祿閣外史俱萬歷間僞書也二君皆鹽邑人

李夢陽學生子也其一先齣次卽空同也

余里人有營葬穴已定夜夢一偉丈夫謂之曰余雷橫

也君所卜地正是吾墓乞少避之其人不之許迨穿穴

髑髏一具脛骨長大倍常徙之他所卒亦無他按龔聖

予水滸傳有插翅虎雷橫名字是蓋烏有子虛耳豈果

有其人耶抑姓氏偶相同耶何以能見異於夢而終不能爲他禍也

崑山徐相國之後有白玉酒觥旁一猩猩據觥而飲其色又純黑唇眼獨朱真異寶也

武林章藻功定績癸未庶常工四六爲人狂躁喜事諸生時科場後俚鄙詩文多出其手人畏其筆舌因寅緣得售有陳永興者買油爲業擁巨貲歿後入鄉賢祠搢紳往拜必厚贈銀幣章往而無所獲遂憤怒適海寇投誠人黃明爲浙藩章與厚力構此事遣胥役手銀鐙至祠中鎖木主拽出之後黃敗罪款亦及此事章反坐黃

他事革職居家益憤憤時查某爲少宗伯章作書與之首托其子舉人磨勘事後力陳此事謂事關學校欲其從公論攻擊查因事伏法籍沒時此書遂達 御覽  
世宗惡其輕狡并摘磨勘事爲科場大弊特逮下詔獄杖四十枷死其子褫革流廣西

後漢蔡文姬傳曹操問文姬先人墳籍欲使十吏就寫文姬曰妾聞男女之別禮不親授乞給紙筆真草惟命按文姬先適衛仲道後爲胡騎所獲生二子重嫁董祀今乃云云無乃不能三年之喪而總小功之察乎操爲漢賊外假大義文姬行事正是相類無怪乎其見許也

陳政之常云讀不知有漢何論魏晉二語使人有遺世  
獨立意讀送君者皆自厓而返君自此遠矣便覺飄飄  
然天際真人想此語大類晉宋人可入世說

語木葉某以喜子圖索題按爾雅蝟蟪長跨註俗呼喜  
子此東山之詩所謂蝟蟪在室是也今所畫乃扁形斑  
色八足而長壁上作窠者此物本草一名壁錢一名壁  
鏡集解稱壁錢蟲似蜘蛛作白幕如錢貼墻壁間北人  
呼爲壁繭諸咏竟以喜子當之殊未合

近日士人攻舉子業一經之外束閣不觀亦有頗負時  
譽而空疎特甚者笠亭賦招隱詩用惑概字四明一友

見之譏其粗疏其人固近日名士也事出南華非僻書  
耳不與昔人同慨耶

讀書欲精不欲博用心欲純不欲雜讀書務博常不盡  
意用心不純訖無全功山谷此語道盡學人通病吾輩  
當以此爲座右箴

今人但知青溪爲佳麗地按南史劉瓛傳瓛字子珪沛  
郡相人爲齊世大儒學徒敬慕不敢指斥呼爲青溪焉  
宋魏泰東軒筆錄載王荆公子雱爲太常寺太祝素有  
心疾娶同郡寵氏女爲妻逾年生一子雱以貌不類已  
百計欲殺之竟以憊死又與妻日相鬥鬪荆公知其子

失心念此婦無罪欲以離異之則恐其悞被惡聲遂與擇婚而嫁之時有王大祝生前嫁婦侯工部死後休妻之諺按史稱元澤未冠著書千言作策三十餘篇極論天下事不類失心者其後病疽死魏泰所云恐未必然細味其眼兒媚詞所謂海棠未雨梨花先雪一半春休又云相思只在丁香枝上豆蔻梢頭意元澤或是病婦者不然人卽失心亦無遽嫁其婦之理荆公雖執拗當不至是

金沙荆月娟娟氏余叔母母也適莊氏早卒工詩如遣興云暫向蘭陵玩物華數椽茅屋托生涯門前春水瀉

千里樓外晴烟見萬家好夢猛驚城上鼓旅愁偏對雨中花朝來底事添吟興竹放清陰護碧紗春日云東風搖曳艷陽天花自芳菲柳自眠最是日長無一事蕭然茗椀竹爐邊初秋云白蘋紅蓼滿芳塘殘暑猶蒸尙未涼最愛晚來清絕處一泓秋水浴鴛鴦

澄江是鏡字仲明託名講學築室聖柯山極其壯麗聚門徒百十人壬申甲戌保舉經學一時數大老連章薦之高臥不就名益高近爲胞弟告發共三十餘款多有不法事常郡侯宋諱楚望玉陽人深惡之毀其廬造書院時適有姦僧某擁巨貲亦爲宋公所訪畬田八百畝

盡入書院爲膏火費院中告示首舉二事所謂經明行  
修之儒乃與淫惡不法之僧並提而論可爲浩歎

游史體豐天芬自苦菲憐自知是景日昇無一車蕭然  
中芬隨來風塵然與竹對青劍鞘琴瑟春日云東風  
千里對仗翻賦貝萬寒我雙滋體賦土短亦怒翻體兩

警海珠塵

南雁 吳 省蘭 泉之輯

沅江 徐 正琳 器之校

東臯雜鈔三

董 潮簪

今人於富貴中作不如意語少壯時作衰病語往往以  
爲詩識如劉希夷之年年歲歲花常在歲歲年年人不  
同是矣蘇子美身如蟬蛻一榻上夢逐楊花千里飛昔  
人以爲天徵然東坡之事如春了無因不居然鬼境乎  
又如樂天年少已多病此身豈堪老爲十八歲病中作

而樂天壽至七十五識之說何足信哉  
鹽邑某姓女已字黃某一日病死忽起坐作京師男子  
音云前生與此女有讐因戟手唾罵連呼索命忽又作  
蘇音男子極力排解且呼其家人至前爲言此女前生  
爲舟子此人是京師鐵匠積銀數十金爲舟人濟水殞  
命尋之十餘年今日始見但此事尚可商量因問此女  
字人未爲言結婚黃姓女點首云既是有夫婦女可訴  
於本縣城隍再得銀鏹數千此人自然依允且此女可  
卽送之夫家若留其人必復至其家一一如言此女卽  
甦至今無恙

桐城方姓者寶一硯質甚粗硯池中有兩足卽另有一  
石刻裸身小兒立之印中則水淫淫從勢中出如溺然  
制度雖俗而甚奇昔江南李後主有一寶硯池中常浸  
一石魚水終不涸後爲陶學士穀攫去置他硯中卽不  
效亦此類也物類相感固有不可解者

古器不遇識者湮滅不傳往往而有鹽邑一舊姓衰落  
後賣一破廚中得一物似石非石似硯非硯買廚者  
以二百文并之後入高學士士奇家云是漢宮中簾押  
也高得時已轉售數買其價千金矣又雷威琴一張在  
舊骨董店中爲張氏優人所得攜入京師送一部郎亦



不甚賞也後其人因事下獄以琴餽一當路因得脫此  
公大賞以爲真雷琴所謂百香是也并詢所從來此優  
因大獲寵愛後以軍功入其名得一武將云

海鹽彭秀才聲山繼配某氏無前出二女極慈愛長女  
嫁後已沒一日婦病死忽起作長女音喚其父爲言母  
爲瘍司船所拘速送數十萬楮錢可放轉遲則船開不  
及矣如言焚之閱一夜而婦甦亦言爲瘍司所拘後見  
長女送錢始得釋臨行時爲一廚人以熱油滴目中痛  
不可忍一目果盲矣

衛夫人名鑠字茂漪廷尉展之弟恒之從妹汝陰太守

李矩妻中書郎李充母王逸少師也王子敬五歲已得  
書意夫人書大雅吟賜之

甲戌七月汎海中浮一物已斃首如牛裊如鼈無足有  
皮四片如槃重六百餘斤或云玳瑁也骨爲邑令蔣君  
所得

海鹽徐積晚得奇疾自聽其身中有鐘鼓聲如禪家課  
誦者初在足指漸後隨時周歷或在背或在首正午則  
在心他人不覺也後遇一胡僧云能治之以油一盞煎  
百沸令徐臥梵語移時以油從背上沃之倏然而過毫  
無痛楚此病頓絕矣

流落今如許我亦三生杜牧爲秋娘著句先自多愁多  
感慨更值江南春暮君看取落花飛絮也有吹來穿繡  
幌有因風飄墮隨塵土人世事總無據佳人命薄君休  
慙若說與英雄心事一生更苦且盡尊前今日意休記  
綠窗眉嫵但春到兒家庭戶幽恨一簾烟月曉恐明年  
燕亦無尋處渾欲倩鶯留住宋李南金詞也有大家亦  
流落可歎者李贈以此詞淒婉風流居然作者南金號  
三谿冰雪翁見鶴林玉露

杜詩天棘蔓青絲鶴林玉露以爲出佛書終南長老入  
定夢天帝賜以青棘之香用事較切但以己公爲齊已

則大誤耳

世到程史載王義豐館娃賦以爲植意卓絕脫去雕篆  
畦町其中有曰夫差之資異在列國亦翹楚一戰而越  
沮再會而諸侯懼使僅得一申佐置雙翼於猛虎惟自  
剖其骨鯁而放意於一女敵乘其間無以外禦杯酒之  
失何足問獨爲此邦惜殺士之舉也此士不遭殺夫差  
不可愚乎蘿之姝適足爲我娛胡得而竊吾之符榮楯  
可居適足以華吾廬胡足以墮吾之都通篇立意如此  
荆公亦有詩云謀臣本自繫安危賤妾何能作禍基但  
願君王誅伯嚭不愁宮裏有西施同一翻案也不知女

謁盛則忠臣誅讒諂進勢所必然斷無兩立此種議論皆書生之見耳

紅日晚天三四雁碧波春水一雙鷗南宋廬陵陳國材詩也

鶴林玉露謂杜孤雁詩并獨鶴歸何晚昏鴉已滿林似興君子寡小人多君子淒涼零落小人嗜沓競喧又謂咏鷗末句幾羣滄海上清影日蕭蕭以興士當高舉引歸潔其身如海鷗不當逐逐於聲利之場自取賤辱如浦鷗也此種皆宋人說詩習氣後人泥之必至字字穿鑿矣此類甚多不可枚舉

周公謹齊東野語記賈秋壑事謂趙師彝大吠乃鄭斗所造以報撻武生之憤許及之屈膝費士寅之狗竇亦皆不得志抱私讐者所造周据祖父所言似出公論然君子惡居下流一失足便爲萬世口舌可不慎哉張魏公浚之殺曲端也何異秦長脚之於武穆平後人徒以其子講學從而推許之且謂符離之敗鼻息如雷謂是心學喪師失地使宋之兵力一蹶不振雖心學何益哉先是隆興元年浚謀先取山東王大寶胡銓王十朋汪應辰陳良輔諸賢交贊之獨史浩不然屢爲孝宗陳親征之患且謂浚曰議論不同不惟爲社稷生靈計

亦爲相公計明公以大讐未復決意用兵此實忠義之心然不觀時勢徒慕復讐之名耳明公四十年名望一旦失利當如何哉浚不聽決意出師浩因請罷出知紹興府果大敗齊東野語載之甚詳孰謂浩小人遂無謀哉浚與武穆論酈瓊王德事其褊亦甚矣至其薦秦檜尤失之甚者也

金國南遷後國浸弱不支再遷睢陽某后不肯寧死於汴元遣山詩曰桃李深宮二十年更將顏色向誰憐人生只合梁園死金水河頭好墓田見山房隨筆王阮亭但謂其擬張祐人生只合揚州死禪智山光好墓田蓋

哀金宮人之被俘虜者耳豈未見此耶

老學庵筆記記張文潛三子秬秭和皆中進士第秬秭在陳死於兵和爲陝西教官歸葬二兄復遇盜見殺文潛遂無後文人薄命哀哉

慶青姓張氏潤州金壇田家婦也工詩詞不假師授然不以村愚怨其匹有鹽賈某百計謀之終不可得以艷語投之者罵絕不答可謂以禮自守勝於張紅橋姚日華多矣近見其詩詞如孤鴻云碧盡遙天但暮霞散綺碎翦紅鮮聽時愁近望時怕遠孤鴻一個去向誰邊素霜已冷蘆花渚更休倚鷗鷺相憐暗自眠鳳凰縱好寧

是姻緣淒涼勸你無言趁一河半水且度流年稻梁初  
盡網羅正苦夢魂易警幾處寒烟斷腸似嬋娟意寸  
心裏多少纏綿夜來閒倦飛悞宿平田殘燈云已暗忘  
吹欲明誰別向儂無焰如螢聽土堦寒雨滴破三更獨  
自奄奄耿耿難斷處也忒多情香膏盡芳心未冷且伴  
慶靑星星漸微不動還望你淹煎有個花生勝野塘風  
亂搖曳漁燈辛苦秋蛾散後人已病病減何曾相看久  
朦朧成睡睡去空驚雖純疵參半亦頗不俗矣七言古  
頗學長吉飛卿惜不能全記  
錢牧翁於丁亥歲以事被急徵河東夫人實從公子孫

愛年少莫展一籌瑟縮而已翁於金陵獄中和東坡御  
史臺寄弟詩有慟哭臨江無孝子徒行赴難有賢妻蓋  
紀實也孫愛見此詩恐爲人口實百計託翁所知請改  
孝子二字今刻本壯子實係更定云見柳南隨筆虞山  
王東叔應奎著

又東坡云子以事繫御史臺獄獄吏稍見侵自度不能  
堪死獄中不得一別子由故作二詩授獄卒梁成以遺  
子由而錢牧翁云丁亥歲三月晦日忽被急徵銀鐙拖  
曳命在漏刻河東夫人冒死從行慷慨首途無刺刺可  
憐語余亦頗以自壯焉獄急時次東坡御史臺寄妻詩

以當訣別獄中過絕紙筆臨風闡誦飲泣而已夫寄弟也而謬曰寄妻坡集具在不可證乎且翁原配陳夫人尚在而竟以河東君爲妻並后匹嫡古人所戒彼乃悍然不顧卽此一端牧翁之不惜行檢可知矣

又漢書河間王好學博士毛公善說詩王號之曰毛詩文選於詩序既定爲卜子夏作而文目仍稱毛詩序此與宋書生解大明律何異

新城王阮亭先生自重其詩不輕爲人下筆內大臣明珠之稱壽也崑山徐司寇先期以金箋一幅請於先生欲得一詩以侑觴先生力辭之先生沒門人私謚爲文

介卽此一事則所以易其名者洵無愧云見柳南隨筆獨見臥履名通中枕名

宋詩有四靈體謂翁靈舒名卷詩曰西巖集徐靈淵名機詩曰泉山集徐靈暉名照詩曰山民集趙靈秀名師秀詩曰天樂集也

宋樂字玉才虞山人詩才超逸五七絕尤工其憶金陵云涼月清溪渡秋風白下橋離心似江水一日兩回潮又云紅燭博山爐青樓似昔無至今魂夢裡猶聽白門烏見柳南隨筆近日刻詩有儼然取入者亦可笑也他如送別云別路風光早江南芳草天人心似春色千里

送君船秋思云曉坐寒塘鏡碧開蘋香風引上樓臺長  
天一雁斜飛水遙色先從望裡來答揚州喬子云病餘  
纏縛似春蠶詩酒風情亦尙堪日落離心滿揚子知君  
江北望江南蘇臺柳枝云十里珠簾映碧流絲絲金線  
拂船頭闔門過去盤門路一樹垂楊一畫樓年末三十  
嘔血死長洲沈侍郎確士定其願學齋集二卷

明三案紅丸中李可灼爲河南太康人迄今其子孫尙  
秘紅鉛方明逆案施鳳來當湖人沈客子刻當湖詩乘  
鳳來孫與客子中表兄弟也持其祖之詩乞付梓沈謝  
云令祖列名逆案殆不可幾飽老拳然終擯而不選阮

亭常云吾輩今日立品正爲他日文章地雖於聖賢文  
行之義微似倒置然亦庶幾自愛矣

小學之不講於世久矣士大夫詩文往往有使別字者  
近閱柳南隨筆其論五車韻瑞大有裨益因節錄於左  
支韻靡字亡池反音糜繫也與糜通易中孚我有好爵  
吾與爾靡之是也又散也禮少儀國家靡敝是也他若  
封靡披靡媢靡侈靡妖靡妙靡綺靡翁靡之類並上聲  
入紙韻而此書收入平聲矣疑字在支韻音宜在質韻  
音逆詩克岐克嶷以就口食字相叶也而此書亦作平  
聲矣支韻釐字鄰其切音離理也史記孝文本紀祝釐

如淳曰福也賈誼傳受釐徐廣曰祭祀福昨也並音禧  
與禧同而此則與丕釐允釐保釐帝釐之類並收矣魚  
韻譽字羊諸切音余美稱也御韻譽字余據切音豫美  
稱也兩音分死活朱子註四書於誰毀誰譽章兩譽字  
爲平聲而他處不註而此書則與廣譽光譽各譽嘉譽  
虛譽並作羊諸切矣齊韻齊字俞題切同臍等也整也  
而禮記火齊必得食齊羹齊醬齊飲齊和齊並去聲卽  
劑字之省也當入霽韻至趨中采齊音慈他書有竟作  
采茨者卽楚茨之詩也當入支韻此書則與思齊德齊  
物不齊歌齊夷齊嬰齊必不齊之類並讀作齊矣文韻

斤字舉欣切音巾詩斤斤其明朱子音去聲讀如僅爾  
雅云斤斤察也故毛詩解亦如之與平聲作斧類及斤  
兩解迥別此書則與宋斤百金斤郢斤匠石輟斤之類  
同收矣觀字在寒韻音官在翰韻音貫物在前而自我  
觀之此觀字當讀平如仰觀縱觀相觀遊觀旁觀之類  
是也有以示人而使之來觀此觀字當讀去聲如大觀  
貞觀京觀容觀甲觀壯觀之類是也此書則不分兼收  
一處矣陽韻行字寒剛切音杭列也史漢大父行丈人  
行之行字又當讀去聲入漾韻漢書蘇氏傳漢天子我  
丈人行也顏師古云行音胡浪反杜詩王孫丈人行垂



老見飄零又豈如吾甥不流宕丞相郎中丈人行皆仄  
用此書則與雁行太行顏行淚千行之類並收矣商字  
內從八爲尸張切音傷入陽韻商字內從十爲丁歷切  
音的入錫韻詩東方未明註疏云尙書緯刻爲商古今  
韻畧引士昏禮云日入三商爲昏此商字與商字迥別  
此書則以三商收入陽韻矣青韻庭字唐丁切音亭門  
屏之內也莊子逍遙遊大有逕庭陸德明經典釋文云  
庭勅定反逕庭激過也按此當讀如聽字入敬韻此書  
則與趨庭中庭王庭後庭大庭明庭之類並收矣又由  
字邱位切與塊同入隊韻禮喪大記父母之喪寢苦枕

由是也此書則以由字與由字筆畫相近誤認爲由收  
入尤韻矣鹽韻占字職瞻切視兆問也而口占二字則  
當入霰韻作去聲讀音戰漢書陳遵傳遵憑几口占書  
數百封註云占隱度也口隱其詞以授吏也又朱博傳  
口占檄文顏師古註並音之瞻反又通雅王勳當五王  
出閣勳召五吏分占亦與口占同義皆言不起草也此  
書則與不占玩占官占之類並收矣其謬不可殫述  
識字之難雖前輩有所不免牧齋尙書誤讀大家家字  
不音姑而押入六麻如季貢才名噪若耶縹囊有女嗣  
芳華漢家若採東征賦彤管先應號大家也不識裴黃

潢字音怕牘切而讀平聲如籤軸裝潢要後新是也漁  
洋司寇誤讀胥字如不獨寒潮泣子胥胥字未聞有讀  
蘇者不應押入七虞荒臺青草認姑胥胥字則讀蘇又  
不應押入六魚與蟹胥華胥赫胥儲胥餘胥同作相居  
切矣又雖敦敦字周禮珠槃玉敦禮記有虞氏之兩敦  
俱音對而焦山古鼎詩則押入平聲矣他如都元敬讀  
賈胡藏珠之賈為假而不為古王魯南讀泛駕之馬泛  
為汎而不為捧至近日讀匪頒之匪為非而不為分采  
齊為齊而不為茨肄夏為四而不為益大行為平聲而  
不為去聲此類夥矣

一具法琅銀壺一具蟠龍玉杯一進宋製玉杯一進天  
鹿犀杯一進斐龍犀杯一進葵花犀杯一進芙蓉犀杯  
一進法琅鼎杯一進文王鼎杯一進法琅鶴杯一對銀  
鑲鶴杯一對宣德宮扇十柄真金川扇十柄七陽金扇  
十柄戈奇金扇十柄百子宮扇十柄真金杭扇十柄真  
金蘇扇四十柄銀鑲象箸十雙右啟上貢又署順治二  
年五月二十六日太子太保禮部尚書兼翰林院學士  
臣錢謙益郡人張澗與豫王記室諸賢曾王佐善因得  
見王鐸以下送禮帖子而紀之以歸王佐又語澗云是  
日錢公捧帖入府叩首下致詞於王前王為色動禮

接甚歡云又記田雄執宏光至南京豫王幽之司禮監  
韓贊周第令諸舊臣一一上謁諸臣見故主皆伏地流  
涕王鐸獨直立戟手數其罪惡且曰余非爾臣安所得  
拜遂攘臂呼叱而去曾王佐親見其事是日獨錢公伏  
地痛哭不能起王佐爲扶出之

吳祭酒梅村連舉十三女而公子元朗曠始生時唐吏  
部東江孫華已爲名諸生年亦及強仕矣湯餅會儼然  
居上坐焉迨康熙戊辰元朗舉禮部而唐與之同榜事  
亦奇矣

薄命飛花水上遊翠蛾雙鎖對沙鷗塞垣草沒三

野戍風淒六月秋渤海頻潮思母淚連山不斷背鄉愁  
傷心漫譜琵琶曲羅袖香消土滿頭海昌以誹謗伏法  
其女徙邊途中題壁詩也見柳南隨筆然絕無其事是  
好事者爲之耳

順治乙酉五月南京破柳如是力勸錢宗伯死宗伯謝  
不能柳奮身欲沉池水中持之不得入時長洲沈明倫  
館宗伯所親見之後宗伯之寵憚柳氏亦在此耳近日  
有題河東傳者云虞山不死河東死地下相逢也斷腸  
錢唐洪太學昉思昇著長生殿傳奇康熙戊辰中旣痊  
御覽都下艷稱之一時名士張酒治具大會生公圖名

優內聚班演是劇主之者為真定梁相國清標具東者為益都趙贊善執信虞山趙星瞻徵介館給諫王某所不得與會因怒乃促給諫入奏謂是日係

皇太后忌辰為大不敬 上先發刑部拏人賴相國挽回後發吏部凡士大夫除名者幾五十餘人海昌查太史慎行亦在內後改今名先生詩所謂荆高市上重相見搖手休呼舊姓名是也趙竟以是廢置終身晚年有詩云可憐一夜長生殿斷送功名到白頭聞當時有陳某者已出都行至良鄉聞有是會星夜兼程回京比到席已散值送客出僅從眾中一揖而已明日亦以與會

前籍省蘭云可為高興者戒

海昌陳相國素菴繼配徐夫人名燦字湘蘂

吳人也崇禎中相國春闈下第南還舟泊吳門

甚覺散步處聞徐氏饒花石因獨詣之先一夕徐翁

黑龍碎其金鯽魚缸是日相國至方徘徊花竹間誤觸

一盆墮適碎其缸相國方踟躕致不安擬奉償償之而

徐翁欣然問姓名因留小酌備極款曲酒酣自言有二

女俱有才色願奉箕帚時相國適喪偶聞之心動素善

子平遂索其二女于支歸舟推之則皆貴惟長女微帶

桃花星因納其次即夫人也抵家後相國乃翁以其不

第娶妾大怒欲立遣之太夫人聞之曰此女果佳卽當告之家廟以婦禮處之不然遣未晚也及至見其端麗莊重卽以新婦呼之後與相國偕老云相國旣任本朝一日過良鄉邂逅一妓其貌宛與夫人相似詢之則涕泣自言姓氏并遭亂失身故卽徐翁長女也因贖歸攜至京師後歸一滿洲武臣其人後至八座亦爲命婦云

素菴相國燕京雜詩十二首作於甲申四月蒼涼悲壯不減唐人所惜者局外快心之語多故國舊君之思少耳如幽燕都會歷元明一首六句俱叙帝室山河之壯

而終之以誰使金甌終缺陷赤眉青犢滿都城是儼然以亡國之主責思陵矣次云未歌玉樹已亡陳不築阿房亦覆秦已字亦字言思陵雖絕去聲色焦勞夙夜亦終必亡也是隱然謀國之不臧矣故又云烈皇亦是英明后辛苦興邦反喪邦也他如翻城虎旅元牙爪搢寇貂璫總腹心南渡有人曾死諍西征無將不生降忽驚流矢叢丹闕尙有鳴珂導錦車造膝主臣徒對泣同心兵賊久輸平言任用非人駕御無術中涓之奸橫戚里之驕奢共成一敗局也相國在明季以奸臣子永不叙用故於其亡也不無幸心焉然如詩人忠厚之意何哉

舅氏副憲存齋公曾云公詩千帳美人歌夜月四郊殘  
鬼哭秋星美人當喪亂之際對此夜月豈盡歌者此一  
字即足見公富貴之念深矣欲以悲字易之是雖親者  
不諱也

明挺擊案會審御史勞永嘉今石門人也當時鄭國泰  
賄以七十萬金遂於中夜翦張差舌使無左驗而此永  
嘉受賄時曾云七十萬金連子孫買去矣

崑山徐健菴司寇歸田後重謀起故官事已效侯詔命  
至即行計重陽前數日必到偶以他故稽遲司寇日挾  
門客數人登洞庭東山飲酒俟召遂以勞頓停滯得疾

此詔至殺已數日矣先是長洲韓宗伯元少亦家居司  
寇以獨起無名因并謀起韓詔書有已經處分官之徐  
乾學原非處分官之韓茨語故宗伯詩有云臣免處分  
原異數病聞聞闔更殊榮韓以濰縣未令事罷

康熙己未徵試博學鴻儒其中鉅儒碩學人盡知之而  
五十人姓氏亦有湮沒不顯者余特誌之以彰國家掄

才之巨典焉一等彭孫通駿孫海鹽人倪燦閩人張  
烈武承大興人汪霖朝采錢塘人喬萊子靜寶應人王瑱齡顯  
華亭人李因篤子德富平人秦松齡留仙無錫人周清源雅  
進士人陳維崧其年宜興人徐嘉炎勝人秀水人陸柔友湖  
監生人

人進 馮昂 方嶺長洲人 錢中諧 宮聲吳縣人 汪楫 舟次休寧人  
 袁佑 杜少東明人 朱彝尊 錫鬯秀木人 湯斌 孔伯維州人 汪  
 宛 茗文長洲人 邱象隨 季貞宣城人 二等李來泰 仲章臨人  
 潘耒 次耕吳江人 沈珩 昭子杭州海人 施閏章 尚白宣城人  
 米漢雯 紫采宛平人 黃與堅 庭表太倉人 李鎧 公凱山人  
 徐欽 電發吳江人 沈筠 開平仁和人 周慶曾 燕孫常熟人  
 徐 展成長洲人 范必英 秀實吳縣人 崔如岳 宗五獲鹿人 張  
 鴻烈 殺文山陽人 方象瑛 渭仁遂安人 李澄中 渭清諸城人 吳  
 元龍 長仁華亭人 龐塏 壽公任川人 毛奇齡 大可蕭山人 錢金  
 南 越江華亭人 吳任臣 志伊仁和人 陳鴻績 子遜鄞縣人 曹宜

溥 子仁東鄉人 毛升芳 允大遂安人 曹禾 頌嘉江陰人 黎篤  
 蕭雲 清江人 高詠 阮懷宣城人 龍燮 理侯望江人 邵遠平 廣人  
 仁 和光人 嚴繩孫 孫友無錫人 以上五十人俱以翰林官  
 分補授內閣中書七人 王方穀 新城人 朱鍾仁 近夫崑山人 申  
 維翰 周伯揚人 王嗣槐 仲昭仁人 鄧漢儀 孝威泰州人 王昊 維夏太倉人  
 孫枝蔚 豹人 未與試授中書者二人 傅山 壽主太倉人  
 村越 紫峯定人  
 康熙辛卯會試總裁為遂寧張天如鵬翮江右李穆堂  
 絃闈中去取惟李意所欲張特備員而已收羅一時名  
 士而其間苞苴賄賂亦復不少禁中亦微聞之故

御製詩有黃霧埋沙四塞天今朝出榜正堪憐之句榜發後士子蜂聚毀李之外戶明日復聚毀其內寓李大怒入奏旨發刑部以不識姓名舉子結案終不株連一人李遂罷職發子牙河効力聞當時爲首者爲海寧陳本初積余舅氏行也李欲指名入奏存齋舅氏時掌兵科力與之角遂得不坐亦危矣哉

陳明暹者淳安之茶園人少業銀工邑有海公祠前令瑞遺愛也偶來一茅山道士賣藥其中人未之信有乞者久跛與之藥一夕步如飛始共神之有好事者訪之不遇明暹獨往道士故在也謂之曰與汝有緣因出書

一卷授之皆呼風禱雨以及占卜遊戲之事盡得其術嚴州有漁戶某女絕明艷明暹計私之以木棉花作狐狸狀吹氣入其肩此女卽發狂疾醫者不能愈父母憂之明暹因令人授意謂非已莫愈也延之至卽醒如常去卽狂發不可制因留宿舟中數夕而苟合焉已而有娠其女之夫家訴於官逮明暹至刑詢之盡吐其實追書焚之杖配江北徒滿思茅山甚近復往尋道士及至適遇焉留宿復教之山地水仙諸術時江南蔡珠者以謁選入都明暹隨之至山左而資斧罄陳曰無憂也所餘止銀一錠因中分之書符其上朝用其半夕卽飛還



回環不盡宛然青蚨術也及抵都選得嚴州府大喜攜  
陳歸盡去其故案而以術行焉水仙者尤靈異其法書  
符黃紙上而空其半隨所欲問共書其下不一人也不  
使知之設香案拜焚畢以水一碗覆以黑絹吹水成字  
或詩或排偶句俱驗辛卯春朗齋舅氏以闈中題詢首  
云瀟灑毛詩學問多舅固治詩也次云佛經之內好磋  
磨當時不喻及發題則子曰然有是言也一節其土爲  
佛牌名并磨字俱題中所有先是外父與四七兩舅氏  
俱未第外王父以諸子詢末云內中還有苟邊文則放  
哉舅氏各世做也是科果中有沈某以得子問詩云以

妾還非妾與妾正相當金粟香飛處應須賦弄璋時方  
私一婢有娠後果產一子焉有張沔者問之云長弓乞  
丐在水旁則以姓名爲謔後其人亦終不達其奇中多  
類此後以老病死近聞其子更有相墓異術

素庵相國仕本朝 世祖章皇帝寵眷優渥而性頗佻  
刻爲滿大臣所怒 上亦稍疏之會太夫人七袞壽  
世祖御筆畫松竹賜之謂曰汝將自行祝壽乎抑遣人  
乎實諭之歸也相國以遣子對 上默然後怒者益甚  
安置瀋陽仍予大學士一品俸銜許不久卽召居旣久  
因謀賜環命家人褚正陽以黃金三百賂中官某於

上前道及後闈以他事籍沒事露為御史以交結近侍  
參奏革職長流居遼一日騎馬過山寺仰見額題曰素  
庵訝甚及入門一一如舊經歷中一室扁錮已久啟之  
見壁上題詩即已舊作因恍然悟前生是此庵僧也既  
歸忽忽不樂而卒夫人徐氏尚在戍所 聖祖仁皇帝  
行邊以回婦迎駕 上問有子女否以孤身對 上憫  
之罰修一城放歸家人褚正陽家資百萬藉以竣功得  
歸老故籍夫人在戍所立願畫大士像一藏至今流傳  
東人爭寶之

藝海珠塵

千部小說類

南雁 吳 省蘭 泉之輯

仁和 韓 文綺 蔚林校

茶餘客話

阮葵生纂

葵生字吾山江蘇山陽人乾隆壬申恩科舉人官刑部右侍郎

康熙辛丑元旦早朝禮畢同赴內廷獻壽大學士馬公  
齊以下十四人時大學士王公瑱齡年八十松公桂蕭  
公永藻王公揆張公鵬翮田大司農從典皆七十以上  
馬公及貝大宗伯和諾孫大司馬柱賴大司寇都陳大  
司空元龍覺總憲阿賴年皆七十蔡大宗伯升元張大

司寇廷樞年六十八上有  
壽考之君下多平格之臣賡拜一堂千古佳話  
內閣北牆下有楮樹一株陳文貞廷敬愛之公事畢移  
書案坐其下焚香啜茗召中翰分札咏詩以爲常復命  
鴻臚序班禹之鼎繪卷曰楮窗圖公賦詩中翰皆和之  
國初乙酉江南解元張湘曉九徵視學河南乞歸康熙  
十七年舉博學鴻儒家宰郝恭定惟訥薦之貽友人詩  
云少不如人何況老身將終隱又焉文又遣懷云虛名  
空好羊公鶴肥遯深慚梁伯鸞京雒少年爭獻賦伏生  
接武賈生難人以是知公不出山矣子文貞公玉書性

淡泊從不肉食日粗糲一盂或山藥少許官庶子爲明  
史總裁湘曉貽書戒之曰此非養身之道食不厭精汝  
未讀鄉黨耶退直後宜靜坐片刻養身節勞勿以膏自  
焚也古樂府殺君馬者路旁兒謂竭馬之力以娛道旁  
耳目吾慮汝之馬力竭矣文貞聞命悚然加一餐焉  
陳海昌之遜薦吳梅邨祭酒至京蓋將虛左以待比至  
海昌已敗盡室遷謫塞外梅邨作拙政園山茶歌感慨  
惋惜蓋有不能明言之情園在蘇州婁齊二門之間嘉  
靖中王御史獻臣因大安寺遺址營別墅以自託潘岳  
拙者之爲政也文待詔圖記以志其勝後其子以樗蒲

藝海珠塵 一  
一擲償里中徐氏 國初海昌得之復加修飾珠簾甲  
帳煇赫一時中有寶珠山茶三四株交枝連理鉅麗鮮  
妍詩中所謂豔如天孫織雲錦頰如姪女燒丹砂吐如  
珊瑚綴火齊映如蠓螻凌朝霞是也然主人身居政府  
十載未歸圖繪詠歌目未睹園中一樹一石及窮老投  
荒穹廬絕域黃榆白草父子熒熒而此園已籍沒縣官  
爲駐防將軍得矣旣爲吳逆壻王永寧所有益復崇高  
雕鏤備極華侈演黔作逆永寧懼而先死康熙十七年  
改爲蘇松道署飭裁散爲民居其梓楠城堦皆輸京師  
供將作陳其年維崧詩云此地多年沒縣官我因官去

暫盤桓堆來馬矢齊粧閣學得驢鳴倚畫闌盛衰之際  
良足感也

德清蔡翁精子平之學一日史胄司夔過訪蔡告以南  
中生一孫推其命頗富厚若遲一時則大貴史叩其日  
時大驚曰予今歲得子正其日月時也蔡曰此兒必入  
閣卽今文靖公貽直也京師傳爲佳話康熙辛酉胄司  
攜眷入都泊舟水驛生子家人往來岸上聞一鐵工家  
亦生一子問其時正相同歸告胄司心識之字之曰鐵  
厓後二十餘載文靖已官清禁胄司南歸復經其地欲  
驗舊事親行訪之則門宇如故一少年持斤斧操作甚

勤問之則辛酉某日生者也公歸竟夕不寐既乃悟語  
客曰此四柱中惟火大盛惜少水制幸生舟中得水氣  
補其缺若生于鎔冶之地則以火濟火全無調劑矣  
憲廟賜張文和廷玉春聯云天恩春浩蕩文治日光華  
張氏歲歲貼之後京官家度歲易桃符強半書此二語  
近日比戶皆然

王文簡士禎酒次戲拈絕句灑鱗黃羊滿玉盤菜雞紫  
蟹等閒看不如隨分閒茶飯春韭秋菘未是難又舉東  
坡一詩云秋來霜露滿東園蘆菔生兒芥有孫我與何  
曾同一飽不知何苦食雞豚曾記陳文勤世倌煮粥詩

云煮飯何如煮粥強好同兒女細商量一升可作三升  
用兩日堪爲六日糧有客只須添水火無錢不必作羹  
湯莫嫌淡泊少滋味淡泊之中滋味長淺語有味已丑  
夏日禾中魏松濤作喫粥詩予和之云香于酪乳膩于  
茶一味和融潤齒牙惜米不妨攪菘豆佐餐少許抹鹽  
瓜

張涇南司寇照墜馬傷右臂幾折時方進呈落葉倡和  
詩遂用左手書楷凝厚蘊藉無一筆呆滯真造化手也  
張南華學士鵬翀贈詩云驟馬天街一蹶中險將折臂  
兆三公翻身學士疑成瓦擊掌仙人不是銅漫笑莊生

虛攫右早誇杜老妙書空斷碑半載渾難補天遣重完  
賴國工時得蒙古良醫百日全愈

徐東海乾學爲司寇時人贈以聯云萬方玉帛朝東海

一點丹誠向北辰謝病歸

御書光芒萬丈四字以寵其行

徐仲山召試歸益都馮文毅贈聯云北闕上書識盡西

京才子東軒賜食歸貽南國佳人仲山夫人商氏明家

宰等軒幼女後年八十容貌如二三十歲好女朝夕惟

飲乳汁猶耽花讀書不衰

殷彥來譽慶頌王文簡一聯云天下文章莫大乎是一

時賢士皆從其游聞錢亮功名世游京師除夕以聯送

王文簡云尙書天北斗司寇魯東家由是知名後送權

貴句云分陝旌旗周太保從天鐘鼓漢將軍因之謫官

康熙辛酉高江邨士奇入直禁中乙卯冬設詹事府補

錄事賦紀恩有空對西風歎二毛之句是年三十三歲

上憐賜御書秋興賦丁巳冬擢內閣中書庚申夏擢翰

林院侍講葉文敏方藹贈詩云麻衣獻賦立彤墀喜見

龍頭一笑時內府錦襦邀帝賜天街官馬任君騎侍臣

盡識銀鈎體宮女爭吟璧月詩自是九重稱特達從來

不藉魏無知

藝海珠塵

三殿三門禁扁勵文恪案名杜訥六十外以恩貢給事史局  
議敘四川州同將之官會殿門易額史官翰林書皆不  
合式人薦書扁稱旨授編修至七十二歲開坊  
歷刑部侍郎贈尙書子諡子文恭廷儀強仕入詞館十  
年不遷洊陞刑部尙書子諡孫宗萬十七歲入翰林亦  
官刑部侍郎

馮益都文毅溥攜諸名士雪中遊善果寺晚歸取陳檢  
討其年詩令毛西河奇齡和一人倡韻一人給寫隨唱  
隨詠信口占叶不許停刻亦絕技也同時如龔芝麓司  
寇高念東少宰皆以捷敏見稱毛西河自言爲文每日

可一萬字爲詩每日可一千句陳其年言腹中尙有駢  
體文千餘篇恨手不及寫耳視宋仇萬頃未達時挈牌  
賣詩每首三十文停筆磨墨罰錢十五不足數矣趙松  
雪自言一日寫一萬字夔子山自言一日能寫三萬字  
以檢討之才得平章之手斯兩美合矣

康熙辛卯壬辰閒京堂小九卿謀出學差宛臺中疏參  
翰林部郎不可出學差一時造爲小說有小京卿密謀  
翻大局死御史賣木作生涯老郎中掣空籤望梅止渴  
窮翰林開白口畫餅充饑四段見鄭寒邨梁詩注

寒邨二絕云博學鴻儒本是名寄聲詞客莫營營比周

休得尤臺省門第還須怨父兄補牘何因也動心紛紛  
求薦竟如林總然博得虛名色袖裏應持廿四金此等  
語刻之詩集殊爲不學蓋一時延賞虛聲及閱閱子弟  
之驚者亦不無濫舉云

田山薑雲未入翰林弟需館選後寄以詩云此事亦尋  
常於我獨無分云先是裁推官改知縣山薑就試中書  
第五入署視事遭同年翰林某侮辱嘗歎云北門草制  
始自乾符內翰宣麻號稱供奉笑彼紛紛乳臭標勝氣  
于眉稜亦且截截論言誇清班于頰舌又詩云休言京  
兆除書近搖落于今已六年及試博學鴻詞首先交卷

復被黜題溫飛卿詩後云一代才名乾黜子八义吟手  
亦徒然不教詞賦陪雕輦空讀南華第二篇不十年官  
大鴻臚巡撫江南又題陸賈傳云坑焚滲漏笑強秦劉  
氏功憑馬上臣掾史武夫兩行隊中間迂腐一詞人此  
當有所指陸在漢初頗有文藻新語外春秋後語南中  
行記感春引典故文心雕龍載其目是爲子虛上林之  
先聲也

王漁洋司理揚州讌遊紅橋詞云北郭清溪一帶流紅  
橋風物眼中秋綠楊城郭是揚州西望雷塘何處是香  
魂零落使人愁澹烟芳草舊迷樓一時傳爲絕調屬而



和者遍江南北以吾鄉邱季貞太史象隨爲最清淺雷塘水不流幾聲殘笛畫城秋紅橋獨自倚揚州五夜香消殘月夢六宮釵落曉風愁多情煙樹戀迷樓

李高陽文勤

案名

順治丙戌進士越十二年戊戌由學

士大拜熊孝感文端

案名

順治戊戌進士越十七年乙

卯由學士大拜高陽年三十四孝感年四十一此後惟

蔣文恪溥五十歲大拜

王漁洋嘗言李高陽之于曹頌嘉禾梁正定之於汪蛟門懋麟馮益都之于陳舍人賡明玉魏柏鄉之于董秀才文友以寧服膺贊歎不啻若自其口出諸君皆及

門士而文友與柏鄉未嘗識面是之謂知己

勵文恪以編修賜第厚載門張文端以諭德高江邨以侍講朱竹垞以檢討俱西華門江邨先以詹事主簿賜第後蔣揚孫查聲山皆賜第西華門內

桐城張文端嘗云五六年來得一法一身五官百骸聽其與憂喜煩苦相纏繇獨守方寸靈府之地製爲一誠堅閉四門不許憂喜榮辱進退升沉勞苦生死得失一切之念闌入其中或稍疎虞打入片刻卽忙驅逐仍前堅守若此外之聲音笑貌惟有聽其波委雲屬與憂喜相浮沉而已更有安心一法非理事決不做費力挽回

事決不做敗壞生平不可告人事決不做衙門中事一切因物付物一事當前只往穩處想不將迎於事前不畱滯於事後所以每臥輒酣當食輒飽視斗室如干巖萬壑燭下濁酒一杯已解飢劬清琴一曲以調心氣此則一二年來之又進一境較之昔時急於求退以致形神交困者差勝也

尤西堂侗晚年嘗言不講學而味道不梵誦而安禪不導引而攝生此吾所以異於人也築生壙官山自爲之誌構丙舍於兩旁年八十時偕老友二三人往來觴咏於其中風流近代所少

高念東少宰珩愛嚴瀨山水忽得句云願作杭嚴道生平遇宴飲賦詩必擇坐客一人代書歌行近體衝口而出如宿構執筆者幾腕脫闕一過輒棄之稿不存漁洋所謂咳唾珠玉而用如泥沙也

初修明史之時徐東海延萬季野斯同至京主其事時萬老矣兩目盡廢而胸中羅全史信口衍說貫串成章時錢亮工尙未達亦東海門下士才思捷敏晝則徵朋酒夕則晉接津要夜半始歸靜室中季野踞高足床上坐錢就炕几前執筆隨問隨答如瓶瀉水錢據紙疾書筆不停綴十行並下畧無罅漏史稿之成雖經數十人

手而萬與錢實尸之噫萬以老諸生繫國絕續之寄洵非偶然錢之才亦曷可少哉

馬章民世俊下第留京落拓殊甚以行卷謁芝麓司寇司寇讀至而謂賢者爲之乎題至後比數亡主於馬齒之前遇興王於牛口之下河山方以賄終而功名復以賄始七十年以前之歲月已淪七十年以後之星霜復變少壯未聞諫書而衰齡反同販豎云云司寇淚涔涔墮曰李嶠真才子也歲暮贈炭金章民得白金八百兩明年遂狀元及第賢哉司寇非褊心者所能及也趙秋谷執信以丁卯國喪赴洪昉思寓觀長生殿劇被

黃給事六鴻劾罷時徐勝力編修嘉炎亦與譙對簿時賂聚和班優人詭稱未與得免都人有口號云國服雖除未滿喪如何便入戲文場自家原有三分錯莫把彈章怨老黃秋谷才華迴絕儔少年科第儘風流可憐一齣長生殿斷送功名到白頭周王廟祝本輕浮也向長生殿裏遊抖擻香金求脫網聚和班裏製行頭徐豐頤修髯有周道士之稱後官學士聞黃給事由知縣行取入京以土物並詩稿遍贈諸名士至秋谷答以柬云土物拜登大稿璧謝黃銜之刺骨故有是劾  
宋牧仲嘗言文康公撫遵化日苦旱有司循例請禁屠

沾文康出示曰天人一理人事不修則天變于上苟人不爲惡卽飲酒食肉何足干天地之怒哉各宜痛加修省其屠沽如故三日後大雨人皆服文康之達  
王文貞公崇簡嘗建言帝王廟祀宜及守成令主因列商中宗以下七人又言宋臣潘美張浚宜罷祀詔從之公爲禮部尙書年六十三以老乞休年七十依古人以每歲盡讀五經爲夏課嘗作青箱堂記云階前闢露臺方丈餘夏秋日暮父子兄弟六七人率坐臺上或莊論詩書或稱述祖德旁及故舊家世之興衰以爲勸戒公家輦下出身寒素父子同時官九卿享上壽乞休於

主恩方渥之時視其子爲宰相徜徉林下者十有五年而一生端謹無可指摘可謂極人爵之榮者也

吳梅邨晚年精於星命之學連舉十三女而子暲始生時唐東江孫華爲名諸生年已強仕赴湯餅會居上坐梅邨戲云是子當與君爲同年唐意怫後戊辰環舉禮部東江果同榜或贈梅邨五十生子詩云九子將雛未白頭明珠老蚌正相求蘭閨自唱河中曲十六生兒字阿侯蓋少妾所出後官兵科給事中

吳漢槎兆騫成寧古塔行笥攜徐電發鈞菊莊詞成容若德側帽詞顧梁汾貞觀彈指詞三冊會朝鮮使臣仇

元吉徐良崎見之以一金餅購去元吉題菊莊詞云中  
朝寄得菊莊詞讀罷烟霞照海澹北宋風流何處是一  
聲鐵笛起相思良崎題側帽彈指二詞云使車昨渡海  
東邊攜得新詞二妙傳誰料曉風殘月後而今重見柳  
屯田以高麗紙書之寄來中國漁洋續集有新傳春雪  
咏蠻徽織弓衣指此

徐立齋登己亥狀元授職後嘗召至便殿門問家世及  
父母年歲兄弟幾人立齋具奏

上嘉歎曰爾可以當孟子三樂之一矣一時以爲榮迨  
庚戌健菴及第立齋已任大司成或贈詩云祭酒先成

文廟禮探花初采上林芳爾時釋褐豈竟弟坐而兄拜  
耶癸丑果亭及第入館立菴以掌院司教習具疏題明  
免果亭教習曠典也後來查初白慎行入館揆愷功敘  
掌院揆爲查受業弟子亦奏明免查教習

韓慕廬宗伯菴以諸生被斥壬子應京兆試中式癸丑  
會狀虛心好學至老不倦嘗語人云吾貴爲尙書寧如  
秀水朱十以七品官歸田飯蔬飲水多讀數萬卷書耶  
孫愷似致彌以布衣名動京師 賜二品服充朝鮮采  
詩使士論榮之旣歸戊辰成進士官翰林至學士然一  
生憂患多在坎壈之中馮定遠班題其集云蠶吐五采

雙雙玉童樹發寶蓋清談梵宮絕好宋詩也

葉訥菴司寇晚年駘背行步緩款欹側時人謂如乃字張京江身軀短小而一足跛

計改亭東云予與陳其年同讀書於宋司業德宜家其年居西舍予東舍燈火相照予不能夜坐而喜早起其年吟咏必至夜分而起每遲其年好爲驚豔絕麗之文予嗜蒼涼古質之作兩人性不相易然至相契

明末史忠正閣部殉節時相傳尙無嗣息弟可程官北京不遠其後裔無有問之者雍正初鄧東長宗伯鍾岳督學江左試有童子史姓年四十餘其祖書可法名心

異之詢之則閣部孫也蓋督師赴揚寄孳白下有孕妾于滄桑後生一子延史氏之脉因家焉鄧公徧詢諸老生對無異詞及閱其文疵累百出鄧公曰是不可以文論錄之邑庠而刻石署壁以記其事俾後之視學者毋憑交黜陟也故史生得以青衿終而家亦稍裕焉天之祚忠節不絕其後詢非偶然而鄧公恤孤苦心亦不愧古人也按靳茶坡集有送史愚菴梅花嶺展墓詩愚菴道鄰子鼎革後流寓山陽又揚州志名宦傳載史公死後養子直求其屍不得招魂葬衣冠焉愚菴當卽直耶霍亮雅者曲周人任俠嗜酒一擲百萬卒後申臆盟作

傳邑人劉津逮輓曰門前債客雁行立屋內酒人魚貫  
眠吾鄉程嗣立風衣好結納名流視黃金如土晚作詩  
云滿頭白髮來偏早到手黃金去已多周白民振采改  
到字作信字徐笠山廷槐以爲一字師

顧茂倫選元百家詩賓至輒畱座上常滿實家無儋石  
江左有薺菜孟嘗君之號

朱竹垞在翰林咏史云漢皇將將屈羣雄心許淮陰國  
士風不分後來輸絳灌名高一十八元功海內詞章有  
定稱南來庾信北徐陵誰知著作修文殿物論翻歸祖  
孝徵因此爲人所嫉

終

